

**KOMISIJA ZA TUMAČENJE KOLEKTIVNOG UGOVORA ZA DJELATNOST  
SREDNJEG OBRAZOVANJA U KANTONU SARAJEVO ( "Službene novine Kantona  
Sarajevo"38/22)**

Na osnovu člana 174. Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo, broj: 38/22), u daljem tekstu: Kolektivni ugovor, Komisija za tumačenje Kolektivnog ugovora za djelatnost srednjeg obrazovanja u Kantonu Sarajevo razmatrala je Zahtjev podnesen od strane JU Centar za slušnu i govornu rehabilitaciju, zaprimljen pod brojem: 11-02-48097 na 7. sjednici održanoj 12.12.2022. godine sa upitom koji glasi,

Upit:

Obraćamo Vam se zahtjevom za tumačenjem Člana. 72. stav (1) i stav (2) Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo“ broj:38/22) Članom 72. stav (1) Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo“ broj: 38/22), propisano je:

(1) Radniku čije je mjesto stanovanja od mjesta rada udaljeno najmanje dva kilometra, pripada pravo na novčanu naknadu za prijevoz na posao i sa posla u visini cijene jedne mjesečne karte gradskog ili prigradskog ili međugradskog saobraćaja bez obzira koliko prijevoznih sredstava radnik koristi.

Takođe članom 72. stav (2) propisano je da u međugradski saobraćaj spadaju mjesta koja su udaljena od mjesta rada do 70 km.

Radnik se obratio zahtjevom za isplatu naknade za prevoz na posao i s posla, pri čemu radnik ima stalno prebivalište na području Tešnja, privremeno boravište na području Zenice, a živi i radi u Sarajevu. Napominjemo da se Centru obratio sa zahtjevom za ostvarivanje prava na naknadu za prevoz na posao i s posla za međugradski saobraćaj.

**donijela je sljedeći odgovor:**

Komisija nije nadležna da tumači Zakone. U konkretnom slučaju Zakon o prebivalištu i boravištu državljanina BiH (“Sl.glasnik BiH”, br.32/2001, 56/2008, 58/2015) u članu 3. stav1) tačka 5 jasno glasi:

**“Pod adresom stanovanja smatra se naziv ulice i broj kuće ili stana u mjestu u kojem državljanin ima prebivalište ili boravište”**

---

Lamija Husić

---

Sadeta Selimović

---

Admir Šuvalić

---

Sadat Kovačević

Sarajevo: 12.12.2022. godine

Dostavljeno:

1. Ministarstvo za odgoj i obrazovanje Kantona Sarajevo
2. SSVOONK BiH Kantonalni odbor Kantona Sarajevo,
3. Komisiji 4x
4. A/a